

## Script of Evening Gojri News Bulletin 24 August 2024 at 1700 Hrs

ایوننگ گو جری نیوز بلیٹن مورخہ 24 اگست 2024

\*\*\*\*\*

یوہ آکاشوانی جموں ہے عبدالرحمن تے طارق ابرار تیں خبر سنو۔ پہلاں خاص خاص خبر۔

\*\*\*\*\*

- \*1۔ رائے دہندگان مانہہ ووٹ با رے بیداری اور ووٹ کہلن غا رُجحان پیدا کرن غی خاطر پورا جموں کشمیر یوٹی مانہہ سویپ غے تحت بیداری پروگراماں غو اہتمام کیو گیو۔
- \*2۔ میڈیکل کالج جموں مانہہ کینسر غا اعلاج غی سہولت مہیا کرا دتی گئی ہے اور اس نانہہ صحت گا شعبہ مانہہ اہم پیش رفت غا طور ر ور دیکھیو جا رہیو ہے۔
- \*3۔ وزیر اعظم نریندرمو دی پلک آکاشوانی ور ”من کی بات“ پروگرام مانہہ لوکاں سنگ اپنا خیالات سانجھا کریں گا۔
- \*4۔ تے وزیر اعظم نریندرمو دی پولینڈ تے یوکرین غا دورہ تیں بعد واپس وطن پُج گیا ہیں۔ وزیر اعظم نے کہیو ہے جے یوکرین تنازعہ غی شروعات تیں ہی بھارت امن بحالی غو خواہشمند رہیو ہے۔

\*\*\*\*\*

خبراں غی تفصیل نال پہلاں عبدالرحمن۔

### Reasi Kites

ضلع سویپ کمیٹی ریا سی نے شہریاں نانہہ ووٹ غی اہمیت با رے جانکا ری پیدا کرن غی خاطر اک پتنگ میلہ غو اہتمام کیو۔ اس بیداری پروگرام مانہہ معزور یعنی ادھمان افراد نے وی حصول کیو۔ اُنہاں نے پلے کارڈ چایا وا تھا، جن ور چناؤ مانہہ ووٹ کہلن غی اہمیت غو سنیو درج تھو۔ اس موقعہ ور بکھ بکھ قسماں جن مانہہ ٹیڈی بیر، ڈریگن رنگ، پانپ لائن اور ایل ای ڈی غی گڈی شامل تھی وے رکھی گئی تھیں۔ اس پتنگ میلہ غوافتتاح ضلع چناؤ افسر ریا سی وشیش مہاجن نے کیو۔ آکاشوانی سنگ گل کرتاں واں اُنہاں نے اس طرح کہیو۔۔۔ بانٹ۔۔

\*\*\*\*\*

### SVEEP Doda

جموں کشمیر مانہہ آتا اسمبلی انتخابات با رے تیاریاں غا سلسلہ مانہہ ڈوڈہ مانہہ سکول منظم ووٹرز بیداری و چنائی شمولیت یعنی سویپ مہم مانہہ بڑی چُستی سنگ شرکت کر رہیا ہیں۔ اس پہل غو مقصد تمام اہل ووٹراں غا اندراج نانہہ یقینی بنانو تے ووٹنگ غی اہمیت با رے بیداری پھیلانو ہے۔ آکاشوانی سنگ بات چیت کرتاں واں ڈپٹی کمشنر ڈوڈہ بر ویندر سنگھ نے اس بارے اس طرح کہیو۔ بانٹ۔۔

\*\*\*\*\*

### SVEEP Poonch

پونچھ ضلع غا ہائر سکینڈری اسکول ہری بڈہ مانہہ منظم ووٹر بیداری و انتخابی شمولیت یعنی سویپ ٹیم غی طرفوں اک ووٹر بیداری پروگرام منعقد کیو گیو۔ جس مانہہ بزرگ شہریاں، بوتھ سطح غا بیداری گروپ یعنی بی اے جی ٹیم ممبران تے انتخابی خواندگی کلب یعنی ای ایل سی ممبران نے شرکت کی۔ اس پروگرام غو مقصد شمولیت کرن آلاں نانہہ اُجاگر کرنو تھو۔ تے خاص کر 25 ستمبر 2024 نانہہ آتا اسمبلی چناؤ مانہہ ووٹ کہلن غی

اہمیت با رے بزرگ شہریاں نانہہ بیدار کرنوتھو۔ سوپ ٹیم نے انتخابی عمل غے دوران  
چُست شمولیت تے فیصلہ سازی غی ضرورت ور زور دتو۔

\*\*\*\*\*

## Cancer Treatment

گو رنمنٹ میڈیکل کالج جموں غی طرفوں اک اہم سنگِ میل تہہ کرتاں واں اس غا ریا سستی  
کینسر ادارہ مانہہ کینسر غا اعلاج با رے خدمات شروع کی گئی ہیں۔ جن مانہہ پی ای ٹی  
سکین تے بریکی تھراپی وی شامل ہیں۔ جی ایم سی جموں غا پرنسپل آشو توش گپتا نے  
اعلان کیو ہے جے کینسر غا مریضاں نانہہ مربوط دیکھ ریکھ مہیا کرواں با رے جدید اعلیٰ  
تابکا ری مشین نصب کی گئی ہیں۔ واضع رہ جے آیوشمان بھارت سکیم غے تحت بریکی  
تھراپی مُفت کی جائے۔ جس سنگِ نسلی، غذائی نالی غا کینسر تے کئی دوجی طرح غا کینسر  
آا مریض مستفید ویں۔ اس طرح جموں مانہہ صحت سہولیات با رے اک نووں دور لیاتاں واں  
اس ادارہ مانہہ ہُن کینسر کیمو تھراپی، پی ای ٹی سکین تے بریکی تھراپی سمیت بہت ساری  
خدمات مہیا کروائی گئی ہیں۔ مہارا نامہ نگار سنگ بات چیت کرتاں واں پرنسپل گو رنمنٹ  
میڈیکل کالج جموں آشو توش گپتا نے مزید کُجھ اس طرح دسیو۔۔۔ با نٹ۔۔۔

\*\*\*\*\*

## PM MKB

وزیر اعظم جناب نریندرمو دی آکا شوانی ور پلک سویرے 11 بجے ”من کی بات“ پروگرام  
مانہہ بھارت مانہہ تے بیرونِ مُلک رہ رہیا بھا رتی لوکاں سنگ اپنا خیالات سانجھا کرینگا۔  
ماہوار ریڈیو پروگرام غی یاه 113 ویں قسط وے گی۔ اس پروگرام نانہہ آکاشوانی تے دور  
درشن غا تمام نیٹ ورک ور نشر کیو جائے گو۔ اس غے علا وہ اس نانہہ اے آئی آر نیوز  
ویب سائٹ تے نیوز آن ائر مو با نل ایپ ور وی نشر کیو جائے گو۔ اس پروگرام نانہہ وزیر  
اعظم غا دفتر و اطلاعات و نشریات وزارت، اے آئی آر نیوز تے ڈی ڈی نیوز غا یو ٹیوب  
چینلاں ور وی برائے راست سُنیو جا سکے۔ آکا شوانی غی طرفوں اس پروگرام غی بندی  
نشریات تیں فوراً بعد اس نانہہ علاقائی زبانان مانہہ وی نشر کیو جائے گو۔

\*\*\*\*\*

## Kathua Medical Camp

کٹھوعہ ضلع غا لکھنپور علاقہ غا چندور گراں مانہہ سویک ایکشن پروگرام غے تحت سی  
آر پی ایف غی 121 ویں ہٹالین غی طرفوں کمانڈیٹ سی آر پی ایف راویش کمار غی  
سرپرستی مانہہ اک مُفت طبی معائینہ کیمپ غو انعقاد کیو گیو۔ جس غے دوران سی آر پی  
ایف تے ضلع ہسپتال کٹھوعہ غا ڈاکٹران نے بکھ بکھ بیماریاں آلا4 سو تیں زیا دہ مریضاں  
نانہہ چیک کیو۔ مکمل جانچ تیں بعد مریضاں نانہہ مُفت دوائیں وی دتی گئیں۔ لوکاں غا کہراں  
غا دروازاں ور منعقدہ اس طبی کیمپ تے بالخصوص بچہ تے بڑی عُمَر آلا مریض مستفید  
بوا۔ ان مستفید ہون آلا افراد وچوں اک شخص نے مہارا نامہ نگار سنگ گل بات کرتاں واں  
اپنا تاثرات کُجھ اس طرح ظاہر کیا۔۔۔ با نٹ۔۔۔

\*\*\*\*\*

یہ خبر تم آکاشوانی جموں تیں سُن رہیا ہیں خبراں غا باقی حصہ نال طارق ابرار۔

## PM Modi

وزیر اعظم نریندرمو دی اپنا پولینڈ اور یو کرین غا اپنا کامیاب دورہ تیں بعد اج دوپہر واپس  
دہلی پُج گیا ہیں۔ دورہ غے دوران وزیر اعظم نے پولینڈ غا اپنا منصب نال گل بات کی۔ دوہاں  
لیڈراں نے اپنا تعلقات، سٹریٹجک شراکت داری غی سطح توڑی لے جان غو فیصلو کیو۔

یوکرین مانہ وزیر اعظم نریندر مو دی نے یوکرین غا صدر سنگ وفد سطح غی میٹنگ کی۔ وزیر اعظم نریندر مو دی نے زور دتو ہے جے یو کرین اور روس نانہ اپنا تنازعہ حل کرنا چاہیے۔ انہاں نے کہیو جے بھارت دوہاں ملکاں ہشکا ر امن بحالی غی خاطر سرگرم رول نبھان واسطے تیار ہے۔ یوکرین غا وزیر اعظم نے کہیو جے بھارت اپنو اثر رسوخ استعمال کر غے عالمی سفارتکار ی سطح ور اپنی کوششاں نال مہارا ملک اور روس ہشکا ر جنگ نانہ ختم کرن مانہ اہم کردار ادا کر سکیں۔

\*\*\*\*\*

## EVM VVPAT

ضلع انتظامیہ ریہا سی نے کا نفرنس ہال ڈی سی دفتر ریہا سی مانہ اج الیکٹرانک ووٹینگ مشین، وی وی پیٹ بارے اک بیداری تے تربیتی ورکشاپ غو اہتمام کیو۔ اس تربیتی ورکشاپ غے پہلے تہاڑے شرکاء نانہ الیکٹرانک ووٹینگ مشیناں، ووٹر ویریفائی ایبل آڈٹ ٹرائل بارے جانکاری دتی گئی۔ اس موقعہ ور ای وی ایم غا بکھ بکھ کمان، کنٹرول یونٹاں بارے وی دسیو گیو۔ یاہ تربیت اسمبلی سطح غا ماسٹر ٹرینر نریندر کشور نے دتی۔ آکاشوانی سنگ گل کرتاں وان نریندر کشور نے اس طرح کہیو۔۔ بانٹ۔۔ اسے طرح غی ورکشاپ ڈاک بنگلہ مہور تے ڈاک بنگلہ دھرماڑی اور کٹڑہ مانہ وی منعقد کی گئی۔

\*\*\*\*\*

## Vote Kishtwar

گو رنمنٹ ڈگری کالج کشتواڑ غا طالب علم آتا اسمبلی چناؤ مانہ اپنو ووٹ کہلن غو موقعہ حاصل کرن بارے پرجوش ہیں۔ آکاشوانی سنگ بات چیت کرتاں وان پہلی بار ووٹ پان غو موقعہ حاصل کرن آلاں وچوں اک طالب علم نے اپنا تاثرات اس طرح دتا۔۔ بانٹ۔۔

\*\*\*\*\*

## Rajouri Training

ضلع راجوری غا کوٹرنک اسمبلی حلقہ مانہ آتا اسمبلی چناؤ غے پیش نظر 7 سو 89 ملازمان نانہ چناؤ ڈیوٹی واسطے نامزد کیو گیو ہے۔ جنہاں نانہ اج ضلع ماسٹر ٹرینراں غی طرفوں تربیت دتی گئی۔ یاہ تربیت ضلع نوڈل افسر ٹریننگ ڈاکٹر نسیم ملک غی نگرانی مانہ دتی گئی۔ اس موقعہ ور ملازمان نانہ الیکٹرانک ووٹنگ مشیناں، چناؤ تیں پہلاں انتظامات، پولینگ آلے تہاڑہ غا انتظامات، پولینگ عملہ غی ذمہ داریاں، ضابطہ اخلاق غی نگرانی، نوٹا، مشیناں نانہ کھولن اور بند کرن بارے جانکاری دتی گئی۔ آکاشوانی سنگ گل کرتاں وان ضلع نوڈل افسر ٹریننگ ڈاکٹر نسیم ملک نے اس طرح کہیو۔۔ بانٹ۔۔

\*\*\*\*\*

## DC Jammu

آتا اسمبلی چناواں غے پیش نظر اج ضلع جموں مانہ ضلع چناؤ افسر سچن کمار ویشیا غی نگرانی مانہ الیکٹرانک ووٹینگ مشیناں اور وی وی پیٹڑ آکا نیاں وچوں کجھ مشیناں اور وی وی پیٹڑ نانہ چن غے چلان غی پہلی کامیاب مشق کی گئی۔ یوہ عمل بھارتی چناؤ کمیشن غی طرفوں دتا گیا رہنما خطوط غی سخت پاسداری غے تحت عملایو گیو۔ اس موقعہ ور ریٹرننگ افسراں تیں علاوہ بکھ بکھ سیا سی جماعتاں غا نمائندہ وی موجو دتھا۔ مشق غو عمل ڈیجیٹل طریقہ سنگ انجام دتو گیو۔ اور سیاسی جماعتاں گانماننداں نانہ تسلی کرائی گئی۔

\*\*\*\*\*

## Shikhar Dhawan

بھارت غا اک بہترین وائٹ بال بلے بال شیکھر دھون نے عالمی اور گھریلو کرکٹ غا تریاں  
فا رمیٹاں تیں ریٹائرڈ منٹ لین غو اعلان کر دتو ہے۔ 38 بہراں غا دھون نے سوشل میڈیا ور  
اک جذبا تی ویڈیو سنیر کر غے اپنا پریوار، کوچ اور ٹیم ممبراں غو تعاون دین واسطے  
شکریو ادا کیو۔ کبھہ ہتھ نال کھیڈن آلا بلے باز نے ٹیم انڈیا واسطے 37 ٹیسٹ، 167 اک  
روزہ اور 68 ٹی ٹوائٹی میچ کھیڈیا اور مُلک غو ناں روشن کیو۔  
\*\*\*\*\*

اس غے نال ہی خبراں غو یوہ بلیٹن ختم بوؤ۔